

OKVIRNI SPORAZUM

NABAVKA USLUGA ODRŽAVANJA OPREME IZ SISTEMA VIDEO NADZORA

Strane u okvirnom sporazumu:

- 1. MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, La Benevolencija br. 16, kojeg zastupa policijski komesar generalni inspektor policije Nusret Selimović, (u daljem tekstu: Ugovorni organ)**
- 2. Mibo komunikacije d.o.o. Sarajevo, Tvornička 3, ID broj: 4200470540005 kojeg zastupa direktor Marko Boštjančič, (u daljem tekstu: Dobavljač)**

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14) proveo ograničeni postupak za nabavku usluga održavanja opreme iz sistema video nadzora za potrebe Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 24 mjeseca;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj PON-1264/21.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga održavanja opreme iz sistema video nadzora za potrebe Uprave policije Ministarstva unutrašnjih poslova Kantona Sarajevo, u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Ukupna vrijednost ovog okvirnog sporazuma bez PDV-a iznosi 19.680,00 (devetnaest hiljada šeststotina osamdeset i 00/100) KM.

Cijene su fiksne i ne mogu se mijenjati za vrijeme važenja ovog okvirnog sporazuma.

Pojedinačni ugovori unutar okvirnog sporazuma mogu se zaključivati samo do iznosa ukupne vrijednosti okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 4.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Usluge iz člana 2. ovog okvirnog sporazuma će se izvršavati sukcesivno, u skladu sa potrebama Ugovornog organa.

Član 5.

Predmet nabavke su usluge održavanja opreme iz sistema video nadzora, koje uključuju sljedeće obaveze Dobavljača:

- Usluge preventivnih pregleda i konfiguracija opreme, koja je navedena u opisu stanja opreme, u toku trajanja okvirnog sporazuma, a što minimalno treba da obuhvata:
 - a) Preventivni pregled fizičke ispravnosti opreme na lokacijama, te čišćenje iste tokom pregleda;
 - b) Održavanje funkcionalnosti opreme koja je predmet održavanja, uz preventivni pregled konfiguracije opreme i verifikaciju iste;
 - c) Usluge zamjene neispravnih uređaja novim, ukoliko se tokom pregleda uoče nedostaci u radu opreme; nove uređaje će obezbjediti Ugovorni organ.

Sastavni dio okvirnog sporazuma su planovi za preventivne preglede po lokacijama, kao i način izvještavanja o istim.

Okvirni sporazum obuhvata help desk podršku, minimalno:

- a) Odziv u slučaju greške/kvara u radu opreme i komunikacijskih veza, s rokom od 8h od trenutka prijave greške/kvara;
- b) Maksimalno vrijeme odziva u slučajevima potrebe za zamjenu neispravne opreme, sa rokom od 24h nakon što Ugovorni organ obezbjedi rezervni dio;
- c) Dostavljanje izvještaja o intervencijama i izvršenim zamjenama neispravne opreme.

Okvirni sporazum obuhvata redovno izvještavanje Ugovornog organa o stanju opreme po lokacijama, nakon završenih preventivnih pregleda.

Usluge održavanja će se uvijek raditi u prisustvu radnika Odjeljenja za videonadzor.

Dobavljač je dužan obezbjediti auto korpu za pristup kamerama i prenosnim uređajima koji su instalirani na visini za koju se ne može izvršiti održavanje na drugi način.

Dobavljač je dužan obezbjediti auto korpu u trajanju od 24 sata u toku trajanja ugovornog odnosa.

Ugovorni organ će voditi evidenciju iskorištenih sati u toku ugovornog odnosa.

Prilikom izvršene usluge koja je predmet ovog okvirnog sporazuma, ovlaštena osoba Dobavljača je obavezna ovlaštenoj osobi ispred Ugovornog organa dostaviti izvještaj koji je uredno ovjeren i potpisan od strane ovlaštene osobe Dobavljača. Ukoliko je usluga uredno izvršena izvještaj potpisuje i ovlaštena osoba Ugovornog organa.

O izvršenoj usluzi bit će sačinjen zapisnik o uredno izvršenoj usluzi (kvantitativno i kvalitativno) (čiji će sastavni dio biti izvještaj/radni nalog). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve eventualne primjedbe na izvršenu uslugu će biti konstatovane u zapisniku.

Ukoliko lice zaduženo za usluge konstatuje određene nedostatke u kvalitetu ili kvantitetu, neće se sačiniti zapisnik, već će se sačiniti zapisnik o reklamaciji, koji Ugovorni organ dostavlja Dobavljaču.

Ovlaštene osobe ispred sporazumnih strana će biti određene i strane međusobno obavještene o tome, u roku od 10 dana od dana potpisivanja prvog pojedinačnog ugovora.

Član 6.

Dobavljač se obavezuje priznati reklamaciju za izvršene usluge, koja će biti propraćena zapisnikom o reklamaciji, uz obavezno navođenje nedostataka izvršene usluge i datuma i broja računa (otpremnice).

Usluga će se smatrati uredno izvršenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 7.

Ugovorni organ će ugovorenu cijenu plaćati Dobavljaču u roku od 15 dana od dana uredno izvršene usluge i dostavljanja pojedinačne fakture (mjesečne), na tekući račun Dobavljača broj 1401020011330457 otvoren kod SBERBANK d.d. Sarajevo.

Član 8.

Ukoliko dođe do kašnjenja u realizaciji ugovornih obaveza od strane Dobavljača, Ugovorni organ ima pravo na obračun penala u iznosu od 0,1% mjesečne vrijednosti ugovora za svaki sat kašnjenja, a što će biti kompenzirano adekvatnim smanjenjem mjesečnog iznosa prilikom plaćanja narednog mjeseca.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 9.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 10.

Ugovorni organ zadržava pravo raskida okvirnog sporazuma ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 11.

Dobavljač nema pravo zapošljavati, u svrhu izvršenja okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije okvirnog sporazuma.

Član 12.

Ovaj okvirni sporazum se zaključuje na period od 24 mjeseca, a stupa na snagu danom obostranog potpisivanja.

Član 13.

Na sva pitanja koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.


Član 14.

Eventualno nastale sporove pri realizaciji ovog okvirnog sporazuma, strane u okvirnom sporazumu će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 15.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.


DOBAVLJAČ
MIBO Komunikacije d.o.o. Sarajevo


direktor **Marko Boštjančić**



UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Nusret Selimović



Broj: 02-073/21
Datum: 01.10.2021.

Broj: 02-11-4-3061-14/21
Datum: 23.09.2021. godine